

Lenghe furlane: in Friûl le fevelin in 444.000 di lôr

Al è il dât che al ven fûr dai prins risultâts di "Tire fûr la lenghe", la ricercje IRES FVG - ARLeF su la difusion e l'ûs de marilenghe

444.000 personis a fevelin vuê in maniere ative la lenghe furlane. A corispuindin a **plui de metât de popolazion** residente intai Comuns dal Friûl-Vignesie Julie e dal Venit orientâl che si son declarâts di lenghe furlane. Il numar al rive cuasi a 700.000 (9 personis su 10) se si ten cont ancje di chei che dome le capissin.

Lis areis dulà che l'ûs dal furlan al regjistre lis percentuâls plui altis a son chês dal Friûl centrâl, de zone culinâr e de Cjargne. In pratiche, il furlan lu fevele almancul une persone su 2, e une su 4 e podarès recuperâ la sô competence de lenghe se e vignis sburtade a doprâle.

I dâts a rapresentin i risultâts principâi de ricercje sociolinguistiche "Tire fûr la lenghe", un dai intervencs previodûts dal Plan gjenerâl di politiche linguistiche pe lenghe furlane 2021-2025. Il studi al nas par analizâ l'ûs de lenghe furlane e di chês altris lenghis che si fevelin in Friûl. Il lavôr, sostignût de Regjon F-VJ e fat cul contribût de ARLeF, al è stât puartât indenant de IRES FVG e dal FEF. A son stadis cjapadis sù plui di 4.300 intervistis in 178 Comuns. I ricercjadôrs cumò a son daûr a elaborâ une analisi complessive dal grant volum di dâts.

Un grant sens di identitât

Il sens di apartignince e la identitât furlane si afermin in maniere clare: il

52% dal campion al dîs di sintîsi "une vore" furlan, percentuâl che e rive al 75% se si ten cont ancje di cui che al declare di jessilu "avonde".

Il vierzisi al plurilinguissim, che par plui dal 56% al è un grant vantaç, il volê cognossi miôr la lenghe furlane, che al tocje il 63% dai intervistâts e il so ûs te comunicazion digjitâl a son altris segnâi interessants, come ancje il so ûs tes gnovis formis di comunicazion digjitâl tant che codiç adât pe imediatece tes relacions.

Il furlan al cres tes citâts



Interessant il dât dai locutôrs atîfs intes trê citâts principâls dal Friûl: Udin, Pordenon e Gurize. In particolâr, par Gurize e Pordenon la ricercje e presente une situazion tant plui positive di ce che si pensave: se a Udin il 40% dai intervistâts a fevelin la lenghe furlane, a Gurize a son il 23% e a Pordenon il 18%; tal stes ordin, invezit, lu capissin l'82%, il 73% e il 55%.

I citadins a domandin plui investiments pe lenghe furlane

Ur è stât domandât di declarâ trops euros, di chei che a pain za di tassis, a podessin rapresentâ un valôr just par finanziâ misuris di sostegn: il 77% al è a favôr, cuntune medie di 22 euros parom, plui o mancul cuatri voltis ce che si invistis vuê par chês misuris intun an.

In famee il furlan al ten

Il furlan al è une lenghe ancjemò vive



inte comunitât: e je prevalente fra chês feveladis dai gjenitôrs dal intervistât (51%); cu la mari e cul pari, invezit, le doprin il 44%.

Pal 79%, fevelâ plui lenghis in famee nol è un ostacul pal aprediment scolastic, anzit, al è un vantaç. Cuasi il 70% dai intervistâts, adun cul 59% di chei dal Venit orientâl, si augure che il furlan al sedi plui presint intes scuclis. Un risultât che al conferme lis percentuâls regjistradis ogni an intes scuclis dal Friûl, cuant che i gjenitôrs a sielzin l'insegnament de lenghe furlane pai lôr fis.

Plui furlan intai media

Tal cjamp de comunicazion, il furlan al ven doprât di plui tes platformis di messazistiche istantanee, par esempi 1 persone su 4 lu sielç pai messaçs vocâi. I intervistâts a calcolin il furlan tant che un codiç adât pe imediatece comunicative.

favorevul/e a finanziâ intervencs pal furlan

77%

Trops euros, tra chei des tassis, stimial che a sedin juscj par finanziâ la lenghe furlane?

cuntune medie di **22 euros** parom

4 voltis ce che si invistis vuê